

度

支

奏

議

度支奏議目錄

新餉司十六卷

考核山海刁主政紀敘疏

駁查密雲餉司月報溷淆疏

覆登撫亟請島餉疏

奏繳加派三釐 聖諭疏

請借太倉庫貯併輕賚銀兩疏

查叅解官稽遲不前疏

覆浙江援兵支費行糧安家等項疏

覆廣東高按臣議停開採鼓鑄疏

覆蔣少卿報解浙省裸餉并舉効有司疏

覆滇省雜項錢糧定額疏

覆永平刁餉司條議召買諸款疏

覆兵部議永鎮新兵餉例疏

覆王冏卿報完廣東催餉疏

覆津部清核兵馬錢糧確數疏

覆工部議撥山西預徵以抵分餉疏

覆魏兵科兵餉要着疏

覆四川入援秦兵餉例疏

題請會估逆贓克餉疏

覆東撫德州援兵措餉事宜疏

覆薊撫借給川兵月餉疏

覆遼撫免減前鋒兵丁原糧疏

題覆永鎮召買事宜疏

覆南臺吳御史條議查核衛糧疏

覆前遼督撫議指班軍月餉疏

覆查核戶科叅好鮮掛欠疏

度支奏議卷之十六

太子太保戶部尚書淄青畢自嚴視草

考核山海刁主政紀叙疏

題爲考核司屬官員事專理新餉山東清吏司案
呈奉本部送據山海管餉戶部陝西司主事刁
化神呈前事內稱奉差理餉山海遵於崇禎二
年八月二十三日到任管事所有任內收放錢
糧今當

奏繳例應聽候本部考核今將任內經手收放錢

糧總數及樽省各項銀兩一併呈報總計舊

崇禎二年八月二十三日間餉司交盤下存庫

餉銀三萬八百五十一兩五錢七分三絲四忽

新收崇禎二年八月二十三日奉司到任起至

三年九月初八日止共收過京運并扣空馬乾

銀西援未領餉銀及助餉銀通共七十八萬八

千二百七十二兩二分六釐七毫八絲四忽內

一收京運新餉銀六十六萬七千二百八十五

兩二錢一收前任間餉司節省公費工食及六

月羨餘共二百九十七兩九錢一收召買二年
米價銀五千三百八十五兩二錢一分五釐九
毫一奉部劄以前任閫餉司交盤存庫雜項銀
抵作九月分兵餉二萬九千六百九十九兩八
錢二分二釐六毫八絲四忽一本司查收扣過
管關廳及各營原領空馬乾銀二萬二千八十
五兩七錢七分五釐三毫一收遊擊諸葛佐生
員郭重金助餉銀共八十二兩一扣過滿遊擊
遷安縣借支龍武營解還薊州借支各營西援

未領餉銀共二萬五千八百九兩二錢五分
釐九毫一收扣出九十兩月空馬乾銀七千
百一十四兩四錢一收本司逐月放剩羨餘銀
一百一十二兩五錢一收京運永鎮舊餉補還
山海新餉銀三萬兩開除崇禎二年七月起至
三年六月止憑道鎮掛號冊領共放過餉銀八
十一萬三千六百五十九兩三錢八分八釐六
毫七絲六忽內一收各營兵餉馬乾船稅銀共
六十三萬二千五百一十九兩七錢五分七釐

三毫五絲八忽一補放元年九月十月採青犒
賞銀一千一百三十兩一發管關廳二年分召
買米價銀五千三百八十五兩二錢一分五釐
九毫一收各營二年七八月分并補放握奇營
六月分空馬乾銀一萬五千二百二十六兩二
錢一扣出二年九月十月十一月十二月空馬
乾銀三萬三千八百九十四兩二錢一分一扣
出小盡節省缺兵銀二萬五千九百四十四兩
三錢六分七釐一扣出前任閫餉司交盤下雜

項銀奉劄抵充九月兵餉二萬九千六百九
九兩八錢二分二釐六毫八絲四忽一借放
鎮餉銀三萬三千九百八十九兩一錢一分四
釐二毫四忽一那放米價銀一萬八千八百六
十兩一錢五分一釐九毫三絲一放過備買行
糧草束等銀一萬四千七百五十三兩四分九
釐六毫一還管開廳借支陣亡叅將楊春十月
分餉銀一千兩一借馬總鎮西援兵丁餉銀除
還過不開外未還銀一千二百五十七兩五錢

實在崇禎三年九月初八日交代止存庫餉銀
五千四百六十四兩二錢八釐一毫四絲二忽
又外貯二年十一十二兩月空馬乾銀二萬六
千三百七十九兩八錢一分又外貯本司放剩
六月分羨餘銀一十四兩二錢又外貯節省公
費銀二百兩又崇禎二年八月二十三日閭餉
司交盤下扣小還官等銀二千九百三十五兩
三錢二分二釐五絲又本司自二年七月起至
三年六月止扣過小盡節省缺兵還官銀共三

萬一千二百三十三兩七錢九分八釐六毫
除給過各衙門公費工食等銀二萬五千七百
九十兩三錢四分六釐尚存支剩銀八千三百
七十五兩六錢七分四釐六毫五絲又本司
折給過米價銀兩一收管關廳海運廳原貯
買二年分米價銀二萬三千四十四兩九分九
釐六毫二絲一收本司通那餉銀抵放三年
買米價銀一萬八千八百六十兩一錢五分一
釐九毫三絲二項內給過海運廳原借管關

銅錢折給祖鎮行糧米銀二百八十八兩二錢
九分六釐四毫五絲又給船戶戚大保買米價
銀二千五百八十兩一錢二分五釐又放各營
應支米三萬九千三十五石八斗三升一勺照
部價一兩一石算該價銀三萬九千三十五兩
八錢三分一毫今本司以八錢折給共放過各
營米折銀三萬一千二百二十八兩六錢六分
四釐八絲節省出銀七千八百七兩一錢六分
六釐二絲又查扣出龍武營天津帶回水腳還

官銀三百五十八兩三錢一分七釐二項內除
給過駝運米豆腳價銀四千五百二十八兩
錢五分六釐五絲五忽尚存支剩銀三千六百
三十七兩三錢二分六釐九毫六絲五忽又本
司代放永鎮錢糧自三年三月二十一日起至
六月初一日止收過京運餉銀六萬四百五十
二兩一錢七分又扣過抄沒叛資抵餉銀二千
一百四十六兩六錢四分七釐三毫又本司清
查官運官銀二千八百二十兩六錢五分四釐

一絲憑道號放過二年八月至三年三月止共
馬糧餉銀一十一萬一千五百六兩一錢一分
三釐五毫一絲四忽除前收三項抵放外借放
過山海新餉銀三萬三千九百八十九兩一錢
一分四釐二毫四忽於九月初五日本部解還
三萬兩又續收永鎮還官銀三十二兩八錢七
分九釐九毫二絲抵補外止少山海新餉銀三
千九百五十六兩二錢三分四釐二毫八絲四
忽又放山海借本作折色米一萬五千一百二

十一石九斗一升每石作銀八錢共抵放餉
一萬二千九十七兩五錢二分八釐全未補還
崇禎二年八月二十三日到任起至崇禎三年
九月初八日交代止一批發過各營月米并行
糧米三十萬三千八百七石五斗三升六合一
勺八抄一批發過海陸運豆一十五萬二千九
百四石八斗三升一批發過草八萬七千五百
四十一束以上本折錢糧收放四柱細數俱備
造清冊交代林郎中訖外本司任內節省出銀

共八萬六千四百一十五兩四錢八分二釐五毫五絲內一本司自二年七月至三年五月止放剩羨餘銀一百一十二兩五錢一本司清查出還安縣給放過設防兵丁餉銀二千一百八十三兩一本司清查扣出二年十月十一月十二月各營西援兵馬銀四千六百一十二兩一錢九釐四毫以上三項收在餉銀之內作正銷算一本司清查扣出二年九十十一十二月空馬乾銀三萬三千八百九十四兩二錢一分內

除九十兩月通融銷算外見存十一月十二
銀二萬六千三百七十九兩八錢一分在庫
本司放剩六月分羨餘銀一十四兩二錢一本
司樽省公費銀二百兩以上二項候文作正支
銷一本司節省缺兵扣小等銀共二萬五千九
百四十四兩三錢六分七釐一本司清查出還
官銀五千二百八十九兩四錢三分一釐六毫
以上二項除抵給各衙門公費工食外尚存支
剩銀八千三百七十五兩六錢七分四釐六毫

五絲在庫一本司節省出米價銀七千八百七
兩一錢六分六釐二絲一本司查扣出龍武營
水脚還官銀三百五十八兩三錢一分七釐以
上二項除抵給脚價外尚存支剩銀三千六百
三十七兩三錢二分六釐九毫六絲五忽存庫
一本司清查出永鎮還官銀二千八百二十兩
六錢五分四釐一絲一本司清查出抄沒叛資
銀二千一百四十六兩六錢四分七釐三毫以
上二項作正餉支銷訖一本司續收永鎮還官

銀三十二兩八錢七分九釐九毫二絲抵還備
放山海新餉訖一本司節省出樂亭縣陸運料
豆脚價銀一千兩銀存該縣已批行海運廳取
回貯庫候文作正支銷以上各項雖參錯零星
俱本司任內經手之數今當差竣且時方清核
除通報各衙門外擬合呈請查議等因到部奉
批新餉司逐一查明銷算又奉本部送准閣部
孫承宗咨同前事內稱看得餉司刁化神任內
錢糧收支出入羨餘還官一鎰一銖毫髮明奏

况當虜訐內地京運梗阻待戰之士數月缺餉
處于平時且難而况糾禁之際尤難也本官乃
晝夜拮据方圓金畫或捐已資以餉兵或撙括
借貸以濟急軍心方服行伍不譁灑永之役猶
調劑多方轉輸不竭卒能取勝本官之績居多
考得本官憐大高明之度計析秋毫清明敏劭
之才惠覃冬日故剔蠹而羅壯雀蜚幻潛銷投
醪而果勇狶鵠羣盡帖若夫豪能結客氣可吞
胡胸蟠龍首成謀道合虎牙羣力膽畧業聞於

九陞雄風頓裊於三韓又若塞垣以供饋餉軍士
以飽騰奏績而度支如法節縮有經合稱開濟
長才自是匡扶豪手今當餉務報竣相應照例
移咨優加超擢等因又准天津督餉部院翟鳳
翀咨同前事內稱看得開門當兵馬雲集之處
本折軍儲原屬浩繁況去冬逆虜蠢動盤踞遼
永而一切糧餉盡皆取給於山海較之往昔煩
劇更甚苟非才品雙超綽有幹濟釐奸剔蠹加
意樽節之司屬烏能濟飽騰而奏安攘耶今奉

事刁化神以茹藥飲水之粹守而兼理絲遊刃
之長才故能使錢穀出納井井詳明且汰浮裁
冗數米程薪卽時當戎馬倥偬而悉以精心密
計籌之計一年之內其收放折色共以七十八
萬八千二百有奇查發糧料共以四十五萬六
千七百有奇草束共以八萬七千五百餘皆條
分縷晰錙銖不爽當此三空四盡之日本官猶
能多方調劑竭力節省銀八萬六千四百一十
五兩四錢零誠司計之偉烈而濟時之卓品也

茲當差竣正宜論功優叙之時擬合咨叙等因
各移咨到部通送到司隨將才主事收放過本
折錢糧逐一查對計舊管閭餉司存庫銀三萬
八百五十一兩五錢七分三絲四忽新收任內
京運等銀共七十八萬八千二百七十二兩二
分六釐七毫八絲四忽放過各營月餉等銀八
十一萬三千六百五十九兩三錢八分八釐六
毫七絲六忽實在交代銀五千四百六十四兩
二錢八釐一毫四絲二忽其所稱任內節省出

銀八萬六千四百一十五兩四錢八分二釐
毫五絲如放剩羨餘銀共一百二十六兩七錢
樽節公費銀二百兩節省出米價銀七千八百
七兩一錢六分六釐二絲又節省出樂亭陸運
料豆脚價銀一千兩以上數項共九千一百三
十三兩八錢六分零此固該司多方節省之數
也其餘還官空馬乾銀小盡叛產等銀共七萬
七千二百八十一兩六錢一分零雖非節省之
銀然不可謂非該司殫心搜剔極力清查所敷

也以上銀兩除抵放正餉并給各衙門公費
食及抵給腳價外尚剩銀三萬九千六百七
一分六釐六毫一絲五忽內以二萬兩作開
兵丁皮襖之用餘作買草支銷此查明銷算之
確數也今當事竣例應繕敘案呈到部該臣等
看得山海理餉一差司百萬錢穀出入頭緒糾
紛綜核固難矧去冬虜掠遼永運道梗塞當
馬倥傯之際值糧儲匱乏之時而能左右持
東西兼顧尤難之難也今主事刁化神展盤

之才司錢穀之任多方調劑百計節省本折條
目分明出納錙銖不爽士馬起飽騰之色邊城
收恢復之功茲准閣部督餉咨文交口替揚本
官勞績誠有不可泯者榆關已報竣事孤竹載
耆新猷相應從優叙錄以酬勞動以備擢用者
也既經咨呈前來相應題

請恭候

命下臣部移文吏部將主事刁化神從優叙錄施行

崇禎二年十二月初二日具

題本月初五日奉

聖旨據奏刁化神司餉關永籌畫著勞節查多美雅
與紀叙以示風勵該部知道欽此

駁查密雲餉司月報涸涸疏

題爲遵

旨按月奏報事專理新餉山東清吏司案呈崇禎三年十一月初八日奉本部送戶科抄出總理密雲糧餉主事孫士髦奏前事等因本年十一月初七日奉

聖旨兵餉內外互稽務在清釐混冒這奏密雲九月分收支糧料總數着該部科按冊查算毋徒以奏報了事欽此欽遵抄出到部送司案呈到部

除舊餉另疏具覆外該臣等會同督撫臣等
侍郎周士樸查核餉務戶科給事中許世
得密鎮新兵援兵俱仰給於新餉者也今據其
按月收放文冊分別四柱數目似亦瞭然以銀
數言之如放本鎮者則有一萬三千一百四十
五兩其放援兵者則有一萬二千七百五十五
兩五錢三分六釐放召買者則有二千五百兩
實在銀一千二十七兩四錢二釐零合之管收
之數而未有舛也以兵數言之其在本鎮者兵

則有一萬二千一百四十二員名馬騾則有一千四百三十七匹其調防者兵則七千一百九十員名馬則五千一百三十七匹合之支放之數而亦未有舛也惟細加查算而其中管收除在溷淆則有可得而言者如官兵食糧之有則例也叅遊與千把總等官廩銀有多寡不同家丁與兵丁有增減不同今不分別款項而官兵總彙一項止云官兵若干支銀若干馬匹若干支本折草料若干則例不分從何稽查卽有虛

冒又誰得而問之各管兵馬應有開除也餘
銀兩卽在此中分別臣據上月所放之冊兩
叅對如左掖管今減十五六名右掖今增二
十名雖各有增減扣除自有多寡乃開註不
明從何查核卽援兵缺額豈其無之亦未見
有開除扣存也至如入援兵馬本折則例在
官兵有稷米粟米之分料豆草束折銀各有
分數今查各管有本折半支全支者如雲南
祿洪下兵八
月分上半月支本色米糧今止註領折色而

註領本色楊嘉謨下馬匹上半月支本色料豆
今不註石數若干并溷開於折色之內其間如
小盡一日應扣行月二糧并本折米豆草束若
干亦不開列矣此數項者錢糧各有着落亦無
大弊冊籍開載不清徒滋疑城臣所謂溷淆者
此也各倉米豆草束收支數目開載清楚此無
容駁查者矣臣見餉司前月造冊開送者與臣
部所頒新式相合臣心嘉之而此番開造又覺
總括而未明或者恐款項墮屑有煩

聖鑒不知事關錢糧不厭詳慎呈

御覽者務求簡明而造送臣部者必條分縷晰如清冊之式庶乎參酌詳約磨算總撒而臣部科徭底清查可立破虛冒之弊矣夫事屬創始書役開造或格式之未諳以後按月遵式不得再致混淆以滋往返駁查者也既經會查明白相應覆

請恭候

命下臣部行文餉司遵照施行

崇禎三年十二月初二日具

題本月初六日奉

聖旨向因錢糧收放不清着令每月奏報這密鎮九月新餉官廩多寡兵丁增減及本折細數俱不分別開載奏報何用顯屬有意淆混以便侵欺還卽着孫士髦另造清冊自行回奏該部仍通飭各餉司不許含糊藏弊自取譴罰欽此

覆登撫亟請島餉疏

題爲亟請島餉以安反側事專理新餉山東清吏
司案呈崇禎三年十一月初三日奉本部送戶
科抄出登萊巡撫孫元化奏前事等因本年十
一月初一日奉

聖旨島餉既有額派且欠數尚多何又那濟關寧戶
部卽行查奏仍一面措發孫元化還按成言任事
不得借此他請該部知道欽此欽遵抄出到部送
司查覆間又奉本部送戶科抄出山東巡撫沈

聖旨該部查酌速覆欽此又蒙
珣題爲會典費夥邊餉難支懇乞

聖明勅令省直照例預徵先期速解以濟緊急軍需

事本年十一月二十五日奉

聖旨該部查酌速覆欽此又蒙

御前發下紅本登萊巡撫孫元化題爲備查東省堪

扣錢糧申明屢疏預請數目等事同日奉

聖旨孫元化自許復金宜先駕馭島弁漸圖進取前

樞輔條奏已有旨著與遼撫共相酌議所請二餉

卽與措發截留戶工二部銀兩并營房等項借用

節餉該部通行酌覆欽此又奉本部送戶科抄出
登萊巡撫孫元化題爲兵饑餉緩任事萬難伏
懇

聖明勅部速發無貽隱憂事本年十一月二十九日
奉

聖旨據奏孫元化急請登餉島餉着戶部確酌速覆
毋徒文移往返致悞軍儲欽此欽遵抄出到部送
司相應併查酌覆案呈到部該臣等看得島餉
二十四萬五千二百兩從來起解卽在東省且

部不過按其成數以核該省之完欠臣部
撫索餉藩司議其欠數於臣部而聽內部補
也夫錢糧有額抵解有項原不可以口舌爭
查得東省額該加派銀五十五萬五千七百
十一兩九錢七分六毫二絲四忽二微又該雜
項銀八萬六千三十六兩八錢三分二釐一毫
四絲三忽二微九纖七沙五塵又該遼鎮民運
銀十三萬三千三百九十四兩四錢八分四釐
這共銀七十七萬五千一百八十三兩二錢

分五釐七毫六絲七忽三微九纖七沙五塵此
三項者皆東省之解額也據東省咨報解支過
者如發島餉十五萬兩又坐留登萊二府買米
銀五萬二千九百四十兩五錢八分又坐留登
鎮協將標管官兵餉銀二萬五千四百五十二
兩又省撫動銀二萬兩買米運島又東江兵變
登道動新餉銀三千七百七十二兩八錢一分
九釐買米解發海外此皆爲登島充餉之用在
也其解到并開銷者如解到臣部加派銀

五萬六千四百五十三兩三錢五分
項銀五萬九千四十七兩四錢零開銷沂州
兵廬洪濠招兵行糧銀共五千一百七十三兩
四錢又預計崇禎三年分派東兗二府共買
三萬石每石照題定例價銀一兩該銀三萬兩
買豆七萬二千石每石照題定例運腳價五錢
五分該銀三萬九千六百兩又除濟青二府
運京豆據報動銀一萬一千八百六十五兩
錢八分零此將部開銷之數也是東省實發

者六十五萬四千三百五兩四錢八分八釐而
三項所欠臣部者共該一十二萬八百七十七
兩七錢九分七釐七毫零至於生員優免尚未
報有確數萊州民屯銀二年共一萬二千六百
兩并通省捐助銀一萬四千九百餘兩不與稿
查臣部欠島餉者九萬五千二百兩新增登餉
四萬兩自九月至年終應該一萬三千三百三
十三兩三錢三分零此臣欠二鎮者止十萬八
千餘兩而所云十四萬者非也前經以開

餉并優免未解行文查催以牧餉應解
本分之物而非奪島餉以餉開寧也縮餉之
胡爲乎來哉况王弘化兵一千五百員名旣已
附食關外就其遣調月分餉銀自應扣除正在
九萬之內而臣以經制未定未卽扣除方爲登
撫留餘地而乃云縮餉殊臣所未解也若遼餉
二萬三千九百餘兩原列在寧鎮經制臣撫知
臣部不能兼應欲餉隨兵移臣實心感之而
審遼撫肯從與否也是以臣部具覆聽閣部

議事關兵餉裒益自宜詳審兼以彼時黃龍之
兵尚未到登非臣敢爲遊移推調也今黃龍之
兵旣至似難枵腹又登撫盛稱其功績似難薄
待姑令東省通融接濟不得膠柱鼓瑟而徐俟
閣部遼撫之議定恐亦事體合當如是爾東省
錢糧臣部滿盤打算除生員優免未有成數外
所欠各項不止十萬餘兩尚足應目前之求捐
助一項似不必留但登撫以復金自許需用甚
急臣何吝此現成銀兩不一貲其恢勦敢過請

執以來指謫但總在額餉內銷算不過項
損間耳前臣部題覆島餉米五萬於附近登
州縣召買蓋按十六萬八千之額除發過十四
萬外尚欠二萬八千以補今年之額而以其餘
作四年之數今查東省撫臣動餉銀二萬兩登
道動三千七百七十二兩以每石七錢七分計
之共該米三萬八百七十三石用補二萬八千
之欠數尚自有餘則臣今歲所應補者似不必
補矣登撫置此項不論而但執前疏仍索臣部

銀二萬一千五百餘兩今東省撫臣又爲地方
告苦欲留預徵三分爲登萊二府召買島米二
萬八千石臣部恐難應命且島餉九萬餘兩解
之遲速自應責之藩司非臣部所能與知也卽
新增登餉四萬已奉

明旨誰得而爭之旣云今歲止該一萬三千又云東
省止與二萬得無自相矛盾耶使臣部所應者
而止登撫一鎮何難竭蹶奔命無奈處處責望
人人照管無一不取足於臣部也此臣自茹其

苦而難以告人者也島兵糜餉已非一日
照額給發年來亦未有缺其應撤與否登撫操
無前勝算豈臣部所能遙臆明春應用之本折
隨地轉輸臣部之能事畢矣又何敢越俎而問
焉伏乞

勅下東省撫臣將所欠銀兩應解登撫者轉解登撫
應解臣部者速解臣部其修繕營房借用節省
餉銀係臣部正項亦須照數扣除抵補不得視
爲長物而自爲開銷者也前登撫所定經制

數頗浮亦俟閣部疏到臣方酌定畫一以聽
聖裁耳既經二撫臣具題前來相應覆

請恭候

命下臣部移文各該衙門遵奉施行

崇禎三年十二月初二日具

題本月初四日奉

聖旨東省額餉解發銷算自應清核何至內外懸殊
着該撫嚴飭藩司逐一確查詳明速奏不得彼此
推諉致悞軍需其黃龍兵餉卽咨樞輔從長酌妥

以便畫一措給聽留捐助銀兩知道了欽此

奏繳加派三釐 聖諭疏

題爲欽奉

聖諭事崇禎三年十一月二十九日臣等於

會極門奉司禮監太監宋晉等傳出

聖諭朝廷殷念民艱深思撫恤何忍額外重以征輸
向緣東事倥偬履畝增賦豁寢無日久軫朕懷乃
邇來邊患靡寧軍興煩費該部諮奏再三請於每
畝除見今加徵九釐外仍再徵銀三釐前後共銀
一分二釐惟北直保河六府向議免徵今量行每

畝加徵六釐前項俱作遼餉事平卽行停止朕因
廷議旣協權宜允從凡我百姓各有同讎之志能
無好義之思但恐墨吏懷私稍胥叢蠹催科無法
擾累滋多各該有司務要仰體朕心勿貽民患所
有釐剔禁約諸款該部條奏具明倘有重征加耗
苛歛行貪甚或已徵在官尚稱民欠并那移侵隱
等弊該撫按不時叅處至照畝起科令雖畫一有
如則壤不等法須變通的或照糧數議增或照地
數議增不妨因地制宜但期無失本額又或禾粟

災疲頻年兵擾勢難加賦地方俱着該撫按據實
奏明請旨定奪文到之日卽着大書刊榜徧揭通
衢使蔀屋窮鄉咸知朕籌餉恤民之意特諭欽此
欽遵接出到部恭照安內攘外廼百年長治之
謀裕餉足兵尤一時弭亂之策邇者軍興浩費
國用艱難普天旣切同讎率土敢忘好義以故舊
派未已新餉復加此臣部於萬不得已之中而
爲救急之着者也我

皇上已饑已溺不啻痼癩切身益熱益深更防繭絲

遺害爰茲始事克謹將來

明綸煥自

九重德音遍乎萬姓首禁貪墨復酌民宜將使黃童
白叟無不加額歡呼頓令汚吏貪官方且滌腸
洗胃從此太倉有貫朽之積邊陲無庚癸之憂
坐致掃穴犁庭會覩民安物阜臣等敢不傳宣
宇內廣布通衢上以昭

浩蕩之鴻仁下以鼓踴躍之衆志在此舉也無敢議
矣所有原奉

聖諭一道理合

進繳謹具題

知

崇禎三年十二月初二日具

題本月初五日奉

聖旨知道了

請借太倉庫貯併輕資銀兩疏

題爲新餉困訕已甚邊鎮阻饑堪憐瓶罍交耻時
勢難待三懇

天恩俯暫准借以救危疆并

請譴斥以重

國計事專理新餉山東清吏司案呈崇禎三年十
一月二十九日奉本部送據薊州餉司蔣範化
呈爲月餉踰期日久關兵待需孔亟等事內稱
防薊關兵餉銀未發已兩閱月每每疾呼討饗

倘有他變誰任其咎伏乞立賜撥發接濟
到部奉批薊門附支關寧月餉自應速發但
外解不至耳候卽酌發次日又據該餉司呈爲
再懇速發十一月分餉銀以安軍心事內稱十
一月十七日蒙本部發到十一月分舊餉銀二
萬五千八百有奇二十一日補發到十月分新
餉銀三萬八千兩并

制錢五千兩但營路各委守候日久支應數多其環
討者尚喧嚷無已庫藏如洗束手莫措事係封

疆實難緩待伏望立賜頒發等因到部奉批請
餉迫切新餉司具題又據寧前兵備陳新甲稟
稱每與撫院攢眉疾額點金無術如十一月初
十日中軍拾得一匿名帖謂兵士三月無餉再
過半月定要鼓譟此雖不可盡信而釀釁稍萌
何法而可惟望將關外月糧壓欠二月之數一
一奏發倘得按月支給就有別樣事端職受罪
也若以餉不足故致變職不受罪也職非敢以
危詞聳聽但前車既覆殷鑒不遠等因到部

送到司奉此爲照前據望餉情迫切道途
危所當亟爲措辦無容須臾緩者第外解不敷
庫如罄乏其難爲無米之炊相應題

請事備濟濟濟是謂節節是謂養兵兵必
節節是謂養兵兵必節節是謂養兵兵必
養兵兵必節節是謂養兵兵必節節是謂養兵兵必
嘗意料之外者也且數月以來爲軍興浩費餽
餉不繼責成督催之疏叩

闡籲呼者業已六上不啻舌敝唇焦其奉

旨申飭者亦凜凜諄切矣查新餉加派雜項二種各省直所欠尚不下二百餘萬卽以崇禎三年計之前五分爲京卿所催業已報完後五分爲撫按所催併應回

奏銷算者也若果念切急公何難徹底清查直窮逋欠積弊指其尤者置以重罰卽或別有那借亦須明

告以候

聖裁今自臣部具疏立限以後河南已違

欽限而南直浙江江西湖廣俱屆回

奏之期矣乃寂寂無聞則

欽限謂何也前遼撫丘禾嘉具疏告急臣媿未能
應而餉臣蔣範化道臣陳新甲亦復縷縷有言
見今庫藏如洗束手無措種種責望臣其何以
副之先是臣部一再

請借寧少勿多妄意外解旦暮卽至徐圖接濟而不
謂其不然也又思

大計伊邇有司叱馭而來必且按括預徵輦之

闕下千瘡百孔或可藉此少補廼延頸至今而猶然
未到也聞今歲留

覲州縣頗多兼以裁減州縣例不應

朝則其來者亦無幾矣其不來者倘其舊欠未完新
徵不足藉災傷爲躲閃之地而預徵三分又何
望焉今查各省直報到銀兩如浙江新舊二餉
十五萬湖廣五萬常州廬州二府六萬俱已踰
期不至令人徒切望梅之思如淮課新舊二餉
共五十萬福建八萬四川五萬廣東五萬雖

申報起解究竟尙成西江之水望眼已穿
難俟此臣之所爲心膽墮地神寬交喪而茫
自失者也且今何時乎虜氛未靖邊防可虞
衛之旅雲屯帶甲之士山積兵日增而餉未
減也當嚴發粟烈之時切離鄉棄井之感聽寒
角而心折觸霜月而淚零以彼驕軍悍卒原非
我孝子順孫卽令行糧鹽菜措發以時猶恐不
足羈縻而况令其枵腹以守延頸以待乎歲暮
云暮天運一周萬一庚祭頻呼人思掉臂卽

臣等之肉不足以飽饑卒正臣等之罪暴之在
邊亦何救於緩急之數乎今時急矣勢迫矣轉
眼歲底人心失望外解卽至亦無及矣臣豈不
知再四那借屢贖

天聽罪無逃於萬死然有數萬而可當數十萬之用
者固結人心收拾衆志正在此舉此臣所以哀
懇而再求於

皇上之前者也今擬將太倉老庫存積農桑絹折并
輕齋銀內再借十二萬兩除補完十月一萬餘

餘分各鎮以湊十一月之餉仍俟外解至月
還以少救危急於萬一見今准兵部咨發貴
兵二千四百員名往勦山陝流賊支餉三月該
萬餘金亦待此銀給發成行臣控訴無門

斧鉞周避卽加臣以那借之罪而臣亦不能辭矣
蓋臣等一身之利害所關甚小而封疆之安危
所繫甚大臣等爲封疆計安危誠不敢避禍譴
也惟是臣等溺職之罪直有擢髮難數者精衛
有心點金乏巧先期無儲蓄之素臨事昧權衡

之宜一籌莫展應變安在俯不足以對軍士仰實難以慰

聖明有臣若此幹濟亦何賴焉伏望

皇上軫念封疆將臣愚從重譴斥以爲庸愚悞

國者之戒另選賢能以王度支仍將催徵違限撫

按着令自行回

奏別有處分庶人心積玩頓醒而

國計匱乏可慘矣臣等無任悚息待

命之至

崇禎三年十二月初四日具

題本月初五日奉

聖旨據奏外解未至軍餉難緩准于太倉庫貯輕貨
二項再借發十二萬兩分給各鎮及援兵行糧仍
着照數補還各省直額銀違限不解報解不至急
公何在已有旨着該撫按自行回奏該衙門知道
欽此

查叅解官稽遲不前疏

題爲邊軍懸金難待解官停轡不前懇乞

聖明查議究處以警怠玩以供軍興事專理新餉山東清吏司案呈照得今關寧以及薊門處處缺餉在在呼庚惟望外解速至衡量分給不意匝月以來外解寥寥卽有已報起解者亦久不到部以致十一月之餉無從給發及查省直報到起解新餉常州府六月內差官梁日進起解加派銀三萬一千八百兩零廬州府九月內差官

呂樞邁起解加派銀三萬五百八十五兩
江布政司十月初一日差官丁士昌起解新
餉銀一十五萬三千餘兩又報差官白襲賴解
銀六萬六千餘兩十一月十九日該湖廣催餉
京卿唐暉疏報十月二十日委官班文煥解餉
納等銀五萬兩十一月十一日該四川撫按張
諭等疏報二次湊解遼餉銀五萬兩尚無解官
姓名迄今俱未解到相應分別查叅等因案呈
到部該臣等看得

國家自軍興以來本折之費大踰徃時省直之入
僅止舊額惟有亟催外解一法以爲目前救急
之着重以京卿守催

明旨督責臣部望之不啻農夫之望歲焉乃有已報
起解而遷延途次漫不經心如常州府解官梁
日進等者可置之而不問乎夫常州廬州二府
距京不過二千餘里論其程限不過二十餘日
今查解官梁日進則違限五閱月矣呂樞邁則
違限二月餘矣浙江至京三千一十三里程限

不過三十日今已及兩月而解官下士已
俱未解到湖廣至京二千七有三十里程限
過二十七日今報解之文已至半月矣而所解
之銀尚未見到如謂司府銀未徵完先以空文
塞責或謂驛遞應付稽遲致阻行色則臣部前
已題奉

明旨再四申飭不啻詳且切矣而今何以復有延緩
者乎倘非停泊中途傾換低潮必係借資勘金
夾帶貨物此其遲候之罪誠有不可得而辭者

若不重加懲創無以示警將來合候各官解銀
至日將銀交收明白分別過限久近日期徑行
吏部褫降以戒其餘再查廣東布政司近報九
月初一日差官經歷趙旻解新舊餉五萬餘兩
又據兩淮鹽臣鄧啓隆揭稱起解新舊鹽課五
十萬兩二項爲數頗夥亦可濟急相應責令星
速解到不得逾於歲外者也至於四川所解遼
餉五萬兩道里雖遙計程應到亦可轉給入衛
川兵之用今亦未見音耗但無解官姓氏姑限

月中到部如違一體查革以懲怠玩再乞

勅令直隸河南山東各該巡撫轉行沿途州縣凡遇
解銀差官經過卽便查照勘合作速應付如有
稽延一併叅處庶羣工振肅而軍餉無稽矣相
應題

請恭候

命下臣部行文各該衙門遵奉施行

崇禎三年十二月初四日具

題本月初五日奉

聖旨這各省直所報起解餉銀久延不到好生違玩
着該部一面行直隸山東河南各巡撫沿途挨查
各解見在何處嚴督經過州縣驛遞星速應付儋
促前來一面仍行各該撫按詳核遲悞緣繇自行
回奏其解官梁日進等俟完解之日分別違限久
近奏奪欽此

覆浙江援兵支費行糧安家等項疏

題爲浙省援兵之費抵還迄無定議懇乞

勅部准動何項錢糧補給以完遼餉事專理新餉山東清吏司案呈崇禎三年十月二十二日奉本部送戶科抄出浙江巡按御史李柄題前事等因本年十月二十一日奉

聖旨這浙省援兵安家等費應於何項錢糧開銷著該部確議速覆疏內稱江西料價不至本省兵餉多通是何年分銀兩還著李柄查明具奏該衙門

知道欽此又該浙江巡撫陸完學題同前事等因
奉

聖旨已有旨了該部知道欽此欽遵抄出到部送司
相應具覆案呈到部該臣等看得援兵之入衛
也原屬各省撫臣同仇忠愛其一切措餉非取
足于臣部而後啓行也臣部因各省直有開銷
新餉者遂屢疏入

告奉有

人言一則曰安家衣裝動支驛遞節省盛甲器械

鋪動支料價不得槩用新餉一則曰援兵衣裝等費動支驛遞節省與工部料銀不得槩用新餉著遵前旨行一則曰新餉及捐助銀兩不許輕動已有屢旨以後撫臣飭備增兵還自行酌處不得擅留額餉致悞軍需

天語煌煌炳若日星俱經通行申飭在案今據浙省撫按疏稱欲取補于驛遞之加增而加增銀兩只一千餘兩欲取償于士紳之捐助而爲數無幾欲取補于工部之料價見在抵充段價又不

敢擅動若必欲將用過新餉一筆勾銷于地
之計得矣會不思以關薊續命之膏果可輕動
撥取者乎但就其支銷文冊猶多重支不無可
酌者臣誠爲一削焉夫行者裹糧各官八十四
員之廩餼心紅等項共銀九百一十八兩四錢
零兵丁四千九百八名每名給行糧三箇月各
一兩八錢又念其遠戍也復加給行糧各一兩
五錢二項官兵共用一萬五千五十三兩四錢
取足于新餉銀兩似也至于各軍應得月糧在

本省存留餉額之內非因入援而始給也以三月計之用過新餉者一萬三千三百七十二兩六錢五分而本來之額餉作何支銷殊臣所不解也夫行月兼支者各以三越月非以供官兵之路費乎今各官之路費多者五六十兩卽少者亦十餘兩各兵有三兩五兩者共用過一萬五千四百四十三兩三錢豈行糧是資斧之具而路費非道途之需也又何以說焉既有月糧矣又加增行糧矣又有路費矣而船價車價又

共用銀二千六百三十一兩三錢之費似屬
糜查入援之旅卽在伍之兵非若新募者一
仰給于官府也况浙省去

都門亦不遼遠每兵又與安家六兩八兩共用過
銀三萬六千二百二十五兩至于盛甲衣綿軍
器旗幟等項一一取給正餉共該銀八千一百
九十二兩餘豈平昔無事儼然列伍者裸體空
拳至啓行而始整頓乎如撫院之犒賞將官之
買馬祭祀等費共用銀二千八百一十兩四錢

五分俱毫無措處而悉用正項合計動支臣部
者共有九萬四千六百餘兩夫援兵多用一分
則薊遼之新兵便少一分揣時度事于勢亦有
不能若必盡拂其請恐該撫按因公受累又不
能爲無米之炊也今斟酌於多寡損益之間合
無於該省元年雜項內動支銀二萬五千兩抵
充各兵行糧路費之需再于三年驛遞節省銀
內動支銀二萬五千兩抵充各兵安家衣裝之
費蓋元年雜項雖稱未完原係京卿所催似難

竟成烏有至於安家衣裝等項動支驛遞銀兩
銀兩先是臣部題請奉有

明旨續該兵部具題節省扣留買馬止以各省直隸
遞加增銀兩准抵安家行糧等項但各省直隸
稱無加增者亦有有加增而無援兵者如浙江
止報加增千餘江西雖報加增萬金而無援兵
今不得不通融盈縮互爲扣抵期如原議原議
而止想亦樞臣所不靳也其餘仍有四萬四千
六百餘兩如軍器盛中犒賞等項各有應開之

款或爲額外之費以無厭之求支有定之餉
難准從以起餉尤之端此應該撫自爲設處無
容再計者矣臣於是更有感焉查腹裏入援之
旅亦衆矣當其誓師入

告指天畫日若不動臣部一粒粟一文錢者迨師至
城下其索餉於臣者且紛紛焉如楚兵之數月
不支塩菜以求歸也及不得歸則一朝而頓欲
補支數月矣甚有先支塩菜後又借支月糧如
川兵鎮守黔兵等項臣部金錢有限難充額

之求乃知向之慷慨大言者亦徒激烈於

君父之前耳究竟泥沙金錢以餌市人呼籲

閭閻以竭公帑恐非謀

國籌邊之初志也萬一久戍之後此餉興嗟彼省
之月餉不能源源而至臣部之借貸不能常常
而供軍士生心變出不虞當自有任其咎者勿
謂臣言不早也臣因酌議浙餉而并及之伏乞

天語申飭

勅下各省撫按一體遵奉施行

崇禎三年十二月初五日具

題本月初八日奉

聖旨這浙兵行糧路費依議於該省元年雜項內抵給其三年裁站銀兩有旨留充馬價應否借作安家衣裝著再與兵部確議來說至月餉自有坐糧并軍器盔甲等項俱著該撫按自行設處銷算據稱這兵月糧路費車船脚價種種重支是否該撫還著該撫按核酌回奏援兵煩費各該地方官都要加意節裁多方籌畫以展急公之誼凡曾向該

部借過月餉給兵的一一如期解補不得玩延取
罪該衙門知道欽此

覆廣東高按臣議停開採鼓鑄疏

題爲邊儲告亟錢法日蹙謹抒一得以廣利源以裨

國計事專理新餉山東清吏司案呈崇禎三年十月二十八日奉本部送戶科抄出廣東巡按御史高欽舜題前事等因本年十月二十五日奉聖旨這廣東開採事宜地方官旣稱不便著該部確議具奏欽此欽遵抄出到部送司相應議覆案呈到部該臣等看得

國家設泉府以生財資開採以廣鑄官山之議
古記之矣乃有行之往昔無不可而施之今
輒稱病者非時異而勢殊則行難而言易也先
是錢法督臣孫居相等有兩粵開採窩鉛之請
臣部覆議以守土之官督土著之民開採既行
因六徵取原以利民非以擾民惟工本一項稍
費商確題奉

欽依通行二省撫按司道酌量舉行用資鼓鑄夫亦
以利害行止之權聽之撫按耳今廣東

欽舜奏疏如廣韶二府以及連州陽山英德等縣或以流寇竊發爲詞或以沙壓民田爲詞或以奸宄叢集爲詞或以猺蠻作梗爲詞必係利少而害多決非畏難而苟安也一時撫按司道總總過慮莫執其咎則亦何必強爲開採以釀地方之隱禍哉近日陽城濟源等處所出盧甘煎爲窩鉛亦既有裨於鼓鑄矣豈必兩粵而後可乎蓋舉事本乎人情今地方旣稱不便斷難強勉所當聽其停寢者也旣經按臣具題前來

相應覆

請恭候

命下臣部移文該省遵照施行

崇禎三年十二月初六日具

題本月初九日奉

聖旨據奏廣東開採果於地方不便卽依議停止該
衙門知道欽此

覆蔣少卿報解浙省雜餉并舉劾有司疏

題爲恭報額外錢糧少佐軍需萬一事專理新餉
山東清吏司案呈崇禎三年十一月十八日奉
本部送戶科抄出太僕寺添註少卿蔣允儀題
前事十一月十六日奉

聖旨據奏浙省襍項已完額外復多按助并南馬板
折銀兩通俟解到查收蔣允儀勤辦急公及本內
捐輸各官着該部酌叙鄒嘉生清查缺廩佐餉獨
多具見廉幹准與紀錄該衙門知道欽此又該寺

臣蔣允儀題爲襍餉徵派有額有司完欠不敷
謹分別舉劾事十一月十七日奉

聖旨該部查覈議覆欽此欽遵通抄到部送司除按
助銀兩俟解到查收外所有舉劾各官相應議
覆案呈到部該臣等看得

國家因遼餉不敷于正額外繼之加派襍徵復繼
之按括捐助而又繼之預徵三分猶慮其怠於
事也嚴

功令以黜陟之慮其不卽完也遣鄉寺以督催之

蓋勢迫情窮多方宛轉以希外解之救然眉耳
乃者寺臣蔣允儀奉

命往浙于承催金花太倉遼餉襍徵鹽課分數盡完
之外撥括捐助得銀二萬二千七百六十六兩
九錢五分六釐復完南馬板木銀三萬五千八
百三十兩九錢六分六釐九毫此皆寺臣蔣允
儀撫臣陸完學按臣李炯設法勸輸多方搜括
所致其一片爲

國籌邊之苦心誠可嘉尚宜先諸臣而叙錄者也

其餘如提學道鄒嘉生清查缺廩佐餉獨多
興縣知縣向鼎額外援助多至四千有奇俱
奉有准與紀錄之

旨矣鄉紳岳和聲易簪遺言千金助餉頃該臣部覆
撫臣陸完學勞臣籌邊一疏亦奉有岳和聲著
於議卹時量叙之

旨矣此皆無容再贅者也如鹽臣吳之仁并文武各
官董承詔等司道諸臣莊祖誨莊廷臣陸文德
等各捐助不等以上諸臣清約素著援助更夥

均當從優紀錄以昭風勵者也其府縣諸臣正
餉全完而襍項無欠者則有海鹽知縣田升年
鄞縣知縣馮起雲定海知縣龔彝象山知縣潘
起鵬而寧波知府陳之美督率各屬轉輸恐後
此有司之最良所當一體叙錄以示激勸者也
其正餉全完而襍餉止完八九分者則有會稽
知縣陳國器諸暨知縣王章餘姚知縣蔣燦蕭
山知縣余敬中臨海知縣萬永康蘭谿知縣王
懋仁江山知縣徐士慶永嘉知縣陳應運麗澤

知縣陳學伊海寧縣署印同知劉元翰
署印教諭文希俊雖分數少歛而心力已殫亦
賞量爲嘉獎以分差等者也烏程知縣胡開文
武康知縣章光岳先經摘叅今俱報完應准開
復而仙居崇德兩縣向來多以地累不完今
夢鯤龔立本獨能卽於新任漸完亦不得泯其
勞勩者也尤可取者學臣鄒嘉生以三月竣試
事且以餘力查缺廩二千九百七十八兩零以
佐新餉仁和知縣王永吉錢塘知縣魏士章方

聞預徵早已各解千金爲諸邑倡此又超然獨
出倍宜紀錄者也至松陽知縣陳鍾鼎屢催完
數十不得一黃巖知縣楊重熙慶元知縣陳國
璧德清知縣胡景宏各未完七八分非玩愒而
怠事卽遲鈍而不給所當照例降職二級赴吏
部改選不得少寬者也旣經具題前來相應覆
請恭候

命下臣部移文吏部將蔣允儀等分別敘錄陳鍾鼎
等照例降職施行

崇禎三年十二月初五日具

題本月十二日奉

聖旨據奏浙江餉銀額外撥助數多蔣允儀并該撫
按司道准與紀錄其府縣各官查照完欠分數分
別叙降俱依議欽此

覆滇省雜項錢糧定額疏

題爲遵

旨回奏事專理新餉山東清吏司案呈崇禎三年十一月初二日奉本部送戶科抄出雲南左布政使婁九德奏前事等因十月三十日奉

聖旨滇省雜項銀是否止應此數着該部查核具奏欽此欽遵抄出到部送司相應查覆案呈到部該臣等看得雜項派于省直原按地方大小酌數目多寡者也除貴州原未派及外雲南四川

奏請
則留充本省兵餉矣湖廣則協濟黔餉矣惟
額非餉遠是以未及考成然而既有徵輸則應
與聞會計此前科臣解學龍所以並入考成之
列令三省一體認定回

奏俟東南底定仍解臣部以備緩急之需題奉

欽依通行遵照在案者也今雲南左布政使婁九德
奏報前來臣等謹按原派該省雜項之數而查核
之如衛所屯田原以三萬一千二百計今疏開
天末窮軍實難加派夫屯田加派每畝八分省

直皆然何獨至於滇省而疑之卽云邊衛多事
窮軍宜恤豈得盡行免議相應每畝量加四分
姑俟四年爲始徵解臣部以充遼餉者也平糶
倉穀該省原以三千八百一十七兩計今疏稱
秋冬積穀一萬二千八百六十四石存貯備賑
春夏折銀四千三百八兩一分三釐留湊本省
兵餉夫以春夏所折之數較之臣部原派之額
亦頗相當仍有餘裕自四年爲始卽當解還遼
餉無容久假者也抽扣工食原派一萬一十七

兩今疏稱天啓柒年崇禎元年止共扣銀四萬
四百四十七兩零何相懸甚也得無有姑息
役而未盡入之

公家者乎房屋稅契原派五千兩今疏稱荒滇小
戶原無稅契則所云各屬解司稅契銀兩果何
物乎通省投納銀八千五百六十餘兩是當盡
解濟遼今留充本省兵餉五千七百八十餘兩
而解京者止李茂奇所解之一千一百五十二
兩六錢零於十月初六日到部訖而解官錢以

敬董國亨所解一千六百餘兩查又解交工部
是則臣所未解者也優免丁糧原定五千兩今
疏稱天啓二年至崇禎二年計八年共該銀一
萬三千六百三十七兩零卽使如數徵解尚不
足原定三分之一何解司庫者僅僅四百九十
一兩零也觀其就中之應完而不完則此外之
應扣而未扣者可知所當亟催未完并見貯司
庫者一體解部以充遼餉者也馬夫祗候原派
五千兩今疏稱天啓七年崇禎元年該省布按

司道府州縣正官見任馬夫及缺官俸薪馬銀共一萬一千七百二十七兩七錢湊充本省兵餉是矣至於二三年分銀兩所當照例查扣解部者也原派巡按公費銀一千兩今疏稱額設上司及過客交際等項原編銀一千六十八兩四錢內通融裒益裁省銀四百六十三兩五錢五分零可充軍餉夫可充云者似應解部充餉無疑矣然係雜支公費而非巡按公費也豈按臣巡視一方獨無一二公費可節以助

公家之用者乎典舖之設何處無之特多寡厚薄
之不齊耳今疏稱省會以及諸郡邑從來未有
恐未必然免

覲一節上次既有四千餘金充本省兵餉矣今歲免
覲銀兩自應據實查解濟遼無疑也總之以上各款
自四年爲始均當查照原派數目速行認定冊
報查考仍次第解充遼餉不得仍前吝嗇致干
叅罰之典可耳抑臣更有請焉查滇省額該加
派銀一萬六千一百九十四兩二錢二分九釐

自奢會發難以來初留餉黔兵繼留餉滇兵
無着落今奢會就撫黔局已平前項加派應自
四年爲始解還濟遼無容濡遲再計者也況今
新加三釐臣部因念雲貴二省連年黥武物力
不支俱未派及亦留餘地於二省耳謹因議覆
雜項而併及之恭候

命下臣部移文該撫并布政司遵奉施行

崇禎三年十二月十三日具

題本月十七日奉

聖旨這雲南雜項錢糧着該撫按仍照部議逐款議
定自四年爲始并加派銀兩俱解充遼餉其新加
三釐未派該省知道了欽此

覆永平刁餉司條議召買諸款疏

題爲永鎮需餉甚繁殘城措餉甚苦謹遵清覈屢
旨敬陳緊要五條仰祈

聖明鑒擇並加申飭事專理新餉山東清吏司案呈
崇禎三年十月十八日奉本部送戶科抄出永
平餉司刁化神奏前事等因本年十月十五日
奉

聖旨這條奏各款關切餉務着速議覆前議預儲糧
料據奏倉場全無積貯卽按月湊支尚非長便着

刁化神悉計料理其有未盡事宜不妨續奏請
知道欽此欽遵抄出到部送司案呈到部該臣等
看得永平餉司郎中刁化神先差山海餉司積
覈收支已著勤勞今復管理永平甫任一月而
查勘本折行月凡主客修工遼鎮冷口建昌桃
林山海等處兵馬糧草以至永鎮歲徵民屯粟
米草豆及津運交卸樂亭米豆之數無不一一
詳確無不處處籌算具見苦心精力而所列五
條尤爲經國措餉要策謹照欽酌議具覆一議

召買夫寒迫虜乘海運敢折俱非所宜獨有召
買糧草一着臣部先已及之發銀估價正在此
時應將永鎮額需如數發付而第不能頓完或
萬或千陸續接濟仍責成地方官早酌公私兩
便之價勒限辦納而勿以文移曠日致失時倍
價則所益多矣此議之可行者一也一議叛產
臣部措餉兩倍艱難今永平當殘破之餘如白
崔兩叛賊之房田以及死亡無主之產業俱宜
速查變價以濟軍需遲則日日折毀人人肩輓

化爲烏有宜責令地方官招集商民照時變
其一時難盡者暫行屯田之法用飽土著之
其爲計固甚便也此議之可行者二也一議掛
號夫支餉原有定額而不能不缺者勢也但有
無多寡均攤合一而不宜偏盈縮卽本折冊領
完此及彼而不當混支給旣支放後遵奉

明旨期以月報季報類冊查核令營路道號冊領按
期投送俾得藉以支給至於餉司仍將放過糧
餉備造簡明文冊報部查考務求清核此議之

可行者三也一清還官營路兵巡馬倒月月有
之而將領之開報率多以有爲無以多爲少以
久爲近者比比也餉司止惡道號冊領何曾得
實是惟鎮協知之營伍知之若令次第查清一
移會兵道一移會餉司互相稽察不容阿徇則
事過半矣此議之可行者四也一請印信金錢
出入獨特關防而永平餉司原遺印信造自嘉
靖年間印文已模糊矣况曾經虜陷淪落多日
益難憑信應同司道府印一體新鑄以辨真贋

而重事權則弊端自塞矣此議之可行者五也
凡此五款皆鑒然可據確乎有裨信當今理餉
之要著亟宜舉行臣等非敢曲爲附和也恭候
命下臣部移文各該衙門遵奉施行

崇禎三年十二月初十日具

題本月十三日奉

聖旨這五款既經酌議印信卽與鑄給餘俱着實飭
行內召買一款據稱勿以文移曠日致失時價倍
如何不遵旨速覆該部曾否先發銀劄買還明白

奏來該衙門知道欽此

覆兵部議永鎮新兵餉例疏

題爲危鎮營兵單弱查額缺數已多照例月餉不敷伍兵艱難堪憫謹據實備冊申報以憑憲裁
題

請事專理新餉山東清吏司案呈崇禎三年十月二十九日奉本部送戶科抄出兵部尚書梁延棟題前事等因本年十月二十八日奉

聖旨兵糈酌有定規始免比例紛請這永平新餉官兵應否照山海關例增給本色該部確議具覆據

該道揭稱徵調之兵行糧塩菜有月食五兩者係何處援兵還着查明來說該衙門知道欽此該道遵抄出到部送司相應具覆案呈到部該臣等看得營鎮有邊腹不同糈糧之厚薄自異各有定規原無容增減者也永平新餉兵丁得與山海同其折色而不得與山海同邀本色者正按營定制所自來也卽謂殘破之餘食物騰貴亦不過適遭其變偶處其窮耳矧內丁月食一兩八錢教師二兩四錢伍兵一兩五錢可謂極其

優厚矣今該道張春欲比以山海各于折色外
槩加本色米一斛自是鼓舞敵愾之意惟是糧
儲有數難供無厭之求而經制一淆更啓劬尤
之漸此部院所以不允其請也乃該道徑將伍
兵加給一錢殊非畫一之規矣昨臣部據其冊
報方欲駁查釐正不意比例之請漫漫未已不
獲部院之詳允復控兵部以代題然而樞臣之
爲臣部借箸者已有素矣議令臣部酌議量加
少俟明歲物力少贏更議裁節夫不曰應給而

日酌議不曰槩加而曰量加善哉言也

國計軍實却顧而曲全矣臣等敢不心樞部之
而不一婉轉調劑以鼓敵愾乎第內丁教師
食餉甚厚似難再議增加合將伍兵姑如道臣
所見行者于本等月糧一兩五錢外准其暫加
折色一錢以恤目前之私是卽樞臣所謂酌議
量加者也此外不得援開例而奢望斛米以開
濫觴仍應俟明歲物力少贏經制既定卽行停
支以存節省于萬一耳且道府各廳俸薪公費

衙役工食以及道丁月糧昔皆取給於地畝牙
稅者今皆一槩取給於新餉矣打造匠役數百
人又皆取盈於新餉矣入孔有限出孔無窮欲
照山海關例增給本色此萬萬不能者也至於
各省直援兵行糧鹽菜之取給於臣部者折色
三分米一升五合間有新增銀一分合而計之
不過一兩五六錢而已惟開寧援兵有本折食
月餉二兩者又加鹽菜銀九錢行糧米四斗五
升通計踰於三兩之外團練營援兵食餉一兩

五錢又加鹽菜銀九錢口糧米四斗五升
亦視二兩爲近臣部每訝其過厚欲徐議裁減
而尚未能也乃該道稱糧征調之兵行糧塩菜
有月食五兩者不知指何處援兵而言此臣等
所未解也既經兵部具題前來相應覆

請恭候

命下臣部移文兵部并行該道遵照施行

崇禎三年十二月十四日具

題本月十七日奉

聖旨這永平伍兵月餉依議暫加折色一錢俟明歲
物力少贏卽行停支以昭畫一今後經制既定該
督撫鎮道當嚴禁侵剋加意鼓舞不許徇情增餉
紛紛援請各省直提兵餉額知道了該衙門知道
欽此

覆王岡卿報完廣東催餉疏

題爲微臣奉差事竣恭遵

明旨再報廣東解過餉額仰祈

聖鑒事專理新舊兩餉司案呈崇禎三年十一月初
三日奉本部送戶科抄出太僕寺少卿王心一
題前事等因本年十月三十日奉

聖旨這催完到部銀兩着逐款查核具奏其援兵等
費不准開銷的仍速催補解王心一依限來京該
部知道欽此欽遵抄出到部送司相應核覆案呈

到部該臣等查得寺臣王心一承催東粵元
三年新舊餉銀二十二萬五千二百六十四
四錢零先是該差疏報催解過三十九萬七
二百兩零數已逾額及查內中有報解而未
經到部者如解官沈之璞李洪謨所解鹽課銀四
萬九千七百二十七兩七錢零襍項銀三萬九
千三十七兩又有援兵等費不准開銷銀二萬
四千五百九十兩八錢零業經臣部查覆奉有
未到等項還着查催完日奏結之

旨通行遵照在案今按寺臣再報之疏而覆核之則
解官李洪謨沈之璞已先後俱到矣其解交新
庫者則七月二十二日李洪謨解到元年分雜
項銀五百八兩二錢八分九釐一毫二年分雜
項銀五千三百五十七兩四錢一釐二毫三年
分雜項銀二萬一千九百八十七兩一錢三釐
零塩課銀一萬六千五百三十兩以上共計銀
四萬四千三百八十二兩七錢九分三釐八毫
八絲一忽此新庫收過之數也其解交舊庫者

則同日李洪謨解到二年分鹽課銀一萬三千
八百六十三兩五錢七分又於七月二十八日
解官沈之璞解到二年分鹽引紙價七千五百
兩三年分鹽引紙價七千五百兩鹽課銀二萬
一千八百六十三兩五錢七分又黃白蠟銀二
千九百五十八兩八錢協濟昌平州銀三百五
十七兩五錢以上共計銀五萬三千四十三兩
四錢四分此舊庫收過之數也總計前疏報解
而未到者俱于七月以內次第到部寺臣一翻

賢勞至是已有成績若夫不准開銷銀共二萬四千五百九十兩八錢有奇業經寺臣奉

旨督催藩司補解諒爲數無幾不難措辦是在該省撫按仍當明白銷筭抵還正額無使支過銀項混淆無着可耳既經具題前來相應核覆恭候命下臣部移文該省撫按藩司遵奉施行

崇禎三年十二月十四日具

題本月十七日奉

聖旨據奏廣東報解銀兩俱已續完知道了其不准

開銷餉銀着該撫按遵旨作速補解該衙門

欽此

覆津部清核兵馬錢糧確數疏

題爲遵奉

明旨酌議清覈兵馬錢糧確數以釐弊蠹事專理新
餉山東清吏司案呈奉本部送戶科抄出津部
翟鳳冲奏前事等因本年十一月十四日奉

聖旨這天津兵馬錢糧文冊着該部科細加查覈內
總鎮家丁及挑選鋒兵月糧應否將迯故餉銀增
給至左右通津三營如何例不操練應否盡屬餉
司不縣撫臣登報一併酌議具奏欽此又該部

總督張鳳翼題同前事本年十一月二十七日奉

聖旨津門既設專撫兵餉均應查理這優給壯丁及左右通津三營事情該部科核議具奏欽此欽遵具覆間又奉本部送戶科抄出兵部尚書梁廷棟題同前事本年十二月初六日奉

聖旨兵馬錢糧事權宜一這左右通津三營依議卽着翟鳳冲清核及操練修防等項事宜一并查酌具奏不得卸責保撫盡誘餉司該部傳與知道欽

此欽遵抄出到部送司相應具覆案呈到部該
臣等會同管理新餉右侍郎周士樸查核餉務
戶科給事中許世璽看得天津一鎮正標鎮內
四營隸於新餉者也現在官兵書役七千六百
四十六員名馬六百一十五匹以該鎮經制論
每月共該支月餉草料銀一萬一千四百七十
六兩七錢三分八釐九毫又浙江援兵三千二
百七十二員名馬八匹亦支新餉通共每月該
支鹽菜草料銀二千九百一十九兩七錢二分

米一千四百三十四石五升海防米陸等糧
於舊餉者也現在官兵二千三百二員各馬
四十八匹頭每月該支銀三千四百三兩八錢
三分左右通津等營原係班軍月支倉米者也
官軍并襍流各役現在八千七百三十員名每
月該支米六千八百七十石八斗此兵馬本折
之大較也因兵計餉固無舛浮但按以薊閏經
制則八月支放新餉應扣小盡銀三百八十兩
六錢一分舊餉應扣小盡銀一百一十三兩四

錢六分復查津門舊例因念各兵月糧卑薄久
不扣除今姑仍其舊以慰軍心者也又查總鎮
王洪所帶家丁二百八十五名以一兩五錢爲
薄乃於正兵營內選故百名應存銀一百四十
兩以補其不足亦通融鼓鑼之法也銀旣加增
宜註於家丁食糧則例之下卽著爲定例可也
如挑選鋒兵三千於鎮海營內選三百一十五
名每兵一兩三錢而議加一錢官一員加銀四
錢共該銀三十一兩九錢於海防陸營內挑選

二百六十名舊餉月支一兩委屬不足議
錢共該七十八兩此二項銀兩卽於迺故之
補足其額酌量於強弱之界權衡於厚薄之間
不增餉而兵自精矣查舊餉解自保河四府隸
於保定撫臣在津部不得越俎而問焉此舊規
也然津部既有治兵之責一切新舊兵馬錢糧
俱當聽其查核而通津三營合併操練自當聽
其指揮措置兵部業有成議

明旨亦旣責成無容再贅者也今旣會同查覈無異

相應覆

請恭候

命下臣部移文津部遵奉施行

崇禎三年十二月十七日具

題本月二十一日奉

聖旨這天津兵馬錢糧既經酌覆依議行該衙門知道欽此

覆工部議撥山西預徵以抵分餉疏

題爲賊患已深饑軍難用謹密行奏

聞以祈

聖鑒速賜拯救以濟然眉事專理新餉山東清吏司
案呈崇禎三年十一月二十九日奉本部送戶
科抄出工部尚書曹珍題前事等因本年十一
月二十八日奉

聖旨這山西鉛黃價銀依議速解以佐軍需兩部自
當同心共濟不得偏執誤事欽此欽遵抄出到部

送司具覆間續奉本部送准工部咨同前事
爲查照本部題奉

明旨內事理速發銀二萬兩聽本部差官解運該省
等因備咨到部送司相應并覆案呈到部該臣
等看得工部分餉二十萬崇禎三年分業已如
數撥派無遺矣其山西省新餉臣部原撥二萬
工部欲得六萬惟是臣部具題在先而京卿出
催旋即解到以充關寧之用工部止實得二萬
耳臣部以原額不敷故另撥江西湖廣四萬以

益之金不敢少其分毫也繼而工部以山西硝黃之價借用民運銀兩數多具疏奉

旨着與臣部速議臣部誼切同舟敢無共濟議以山西預徵之銀撥派抵補蓋以山右之銀還爲山右之用自可隨取隨足無煩疾呼者也今工臣恐預徵之緩欲臣部那給二萬解運該省是不知臣部空匱之苦也臣部自有軍興以來左支右吾艱苦萬狀頃因外解不繼屢借輕齎今十一月軍餉尚未解完量沙無策脫巾可虞臣部

朝夕芒刺慮無死所焉能爲工部代祭餉銀
及查山西預徵遼餉原限十月起徵年終解
今尚無一至者合無卽行山西布政司動支二
萬以應其急旣免設處之艱又省解運之費充
餉勦賊甚屬便計但臣部所撥江西湖廣之銀
已足原額今復撥山西二萬則逾額矣應於江
西撥回二萬庶借欠不至於溷淆而彼此各得
其分願也相應題

請恭候

命下臣部移文工部并照會山西布政司遵奉施行
崇禎三年十二月十八日具

題本月二十一日奉

聖旨山西勦賊需餉甚亟這議動支預徵遼餉二萬
兩着卽行該省藩司刻期措解仍取實收回奏不
得但以文移卸諉致悞軍需其江西撥補銀兩依
議行該衙門知道欽此

覆魏兵科兵餉要着疏

題爲敬陳兵餉要着仰佐

中興勝算事專理新餉山東清吏司案呈崇禎三年
十一月初九日奉本部送戶科抄出兵科給事
中魏呈潤題前事條議練兵足餉緣繇本年十
一月初七日奉

聖旨訓練土著已有屢旨餘着該部酌覆欽此欽遵
抄出到部送司除練兵事隸兵部業奉屢

旨不煩再贅外所有足餉事宜相應議覆案呈到部

該臣等看得官

國強兵莫如屯政况寓兵于農利更不貲茲取
一鍾當吾二十鍾屯田一石可當轉輸二十石
自古記之背趙充國屯田金城遂能以飽待饑
坐因先零其明驗也科臣魏呈潤拊髀餉調黃
目時艱議令天津通昌三督臣於練兵外兼管
屯田正倣古兵屯遺意誠屬良籌第必地方有
膏腴有拋荒而後可以資襟襖若通鎮地狹而
民稠昌鎮山多而土瘠恐鮮拋荒餘地似難一

桀強行惟是天津葛沽及何家園等處原有新
開水旱兩地約二萬餘畝曾經汪應蛟董應舉
先後料理近因作輟不常仍復荒蕪不治見該
臣部覆奉

欽依責令天津道臣設法修復未必一時開闢合令
津撫督同該道查勘前項新屯酌量撥給海防
等管開墾播種倘牛具不敷曲爲措給卽算本
等月糧俾無事則負耒以務農有事則啣枚而
赴敵屯藉兵力而就理兵藉屯糧以果腹一舉

兩利計莫善於此矣其議以粟爲賞罰如納贖
贖罪近奉有罪犯不許一槩收贖之

旨似難再議其納粟授官一節做古人輸粟塞下
意誠今救急良策科臣議令納粟關薊者予以
現選查卽選事例臣部見在奉行今或本折兼
收內外並行俾閭閻省召買輓運之苦邊關有
京坻積倉之儲允屬便計但舊日津門遼左俱
曾開納本色事例非高擡時價則虛出通關一
法立而一弊生雖如議舉行猶不可不慎其防

也既經科臣具題前來相應覆

請統候

聖明裁督施行

崇禎三年十二月十七日具

題本月二十二日奉

聖旨修屯足餉洵屬良策但須地方官着實舉行這
天津新屯着該撫嚴飭該道查勘清楚設法耕種
務有確裨仍將一應興復事宜列款具奏至事例
已多龐雜不必又議輸粟該衙門知道欽此

覆四川入援秦兵餉例疏

題爲恭報督發秦兵起程日期並奏給糧餉數目
事專理新餉山東清吏司案呈崇禎三年十二
月十五日奉本部送戶科抄出四川巡撫張論
題前事等因本年十二月十四日奉

聖旨據奏石砭松潘各兵起程日期并給糧數目知
道了續解備用餉銀俟兵到日查銷該部知道欽
此欽遵抄出到部送司案候間續奉本部送據
四川入衛總兵官秦良玉呈爲應

詔勤王事內稱卑職奉調入衛本省給行糧官
千五員名自裹兵二千共九千零五員名戰馬
千匹今於十二月十二日至慶都縣等因到部
送司除解備用餉銀俟到日查銷外所有各兵
應用糧餉相應酌議題

請案呈到部該臣等看得總兵秦良玉等憤激奴氛
率兵入衛以素練之旅効勤

王之義忠勇慷慨殊可嘉尚但師行糧從其應給糧
餉有不可不預爲酌定者查據該撫所報則例

每兵日支四分五釐五日一小賞每名一分十日一大賞每名二分通融計算是每兵日支四分八釐也念其萬里從征俟抵京日合無每日准給銀五分酌爲定例俟後不得多增以致餉奢難繼蓋土兵原無月餉今酌於途次而量行加增合行月而一之似亦適中之制也其應否增損仍候

聖明裁奪奉行至於撫臣前報秦良玉下官兵七千五員名秦翼明下官兵三千三員名今據良玉

報稱有自募兵二千名若合以秦翼明之三
頃溢于撫臣所報之數夫云自募則爲義兵必
屬裹糧而從者應否再行出給糧餉宜聽樞部
酌議非臣部所敢越俎而問者也旣經該撫具
題前來相應覆

請恭候

命下臣部移文兵部及該撫并秦總兵遵奉施行

崇禎三年十二月十七日具

題本月二十日奉

聖旨石砭等兵到日着兵部驗明實數具奏日支餉
額并行酌議還查先年此兵入援給餉規則來看
欽此

題請會估逆贓克餉疏

題爲公務事專理新餉山東清吏司案呈崇禎三年十二月十六日奉本部送戶科抄出刑部署部事左侍郎降一級供職涂國鼎等題前事內稱罪督袁崇煥衣物等項本部具題咨送戶部變價充餉今奉

明旨變價充餉未有專責故戶部不收委應再請

明旨或仍送戶部變價充餉或別

賜定奪等因本年十二月十四日奉

聖旨逆僕扶福等一十五名口同阮氏併女二員
袁兆晰都着依律安置該地方撫按仍具收管
日回奏不許遞解原籍更滋狡脫衣物等項着
部查收變價充餉該衙門知道欽此欽遵抄出到
部送司相應具題會同科院并刑部經管司官
公同估計變價以便充餉案呈到部該臣等看
得從來入官贓物俱係原問衙門變價解銀充
餉臣部止管查收而已昨刑部咨送欲臣部變
價而臣部不敢輕任其責者職此故也今奉有

着戶部查收變價之

旨臣部自當遵依奉行何敢推諉惟是贓物紛紜件數零星物有美惡之殊價有低昂之別瓜李堪嫌風波易起合無責委臣部新餉司庫二官會同查核戶科餉院并刑部該管司官公同勘估庶物值相當公私兩便而軍餉共有濟矣除估變完日另疏奏報外相應題

請恭候

命下遵奉施行

崇禎三年十二月二十二日具

題本月二十六日奉

聖旨這衣物等項卽着該部從實勘估變價充餉事
非重大不必會同多官大臣公忠任事有何嫌慮
至作瓜李風波等語該衙門知道欽此

覆東撫德州援兵措餉事宜疏

題爲蒙

恩許復登兵謹援例再

請德州兵餉以資團練以安地方事專理新餉山東
清吏司案呈崇禎三年十一月十三日奉本部
送戶科抄出山東巡撫沈珣題前事等因本年
十一月十一日奉

聖旨這德州援兵措餉事宜着戶兵二部從長酌議
具覆欽此欽遵抄出到部送司酌覆間隨奉本部

送准兵部咨同前事內稱查得東撫題留
銀二萬餘并裁汰冗員銀三千二百餘兩抵
德州援兵月餉似屬妥便爲此合咨貴部煩爲
遵照

明旨內事理卽將遼餉并裁汰冗員銀兩扣抵德兵
月餉希速從長確酌徑自具覆等因到部送司
相應議覆案呈到部該臣等看得兵餉二者原
自相須而不相離議兵必須議餉此自然之理
也第兵貴有用之兵餉貴可繼之餉倘不計餉

從何出而率爾談兵祇屬權宜之著終非經久之規矣德州以去冬虜警招復兵一千七百七十名以壯聲援值虜患剝膚之時不得不爲桑土計綢繆者勢也亦暫也昨臣部議覆登兵之餉而未及德兵者正以兵非額設而奴氛喑息或可漸次議撤而無煩虛糜爲耳今山東撫臣沈珣疏稱欲將此兵裁散歸農其勢甚難備述三可慮情形議分遼鎮餘餉二萬兩并裁汰武職冗員銀三千二百一十六兩八錢四分以餉

之自是撫臣一片不得已之苦心臣部雖
匱乏敢不勉力供億而致掣撫臣之肘哉但
省遼餉其在三年分者昨臣部蒲盤打算除
給登島二餉外所剩銀兩爲數不敷而裁汰武
弁銀兩又係舊餉之額各有款項似難湊清且
德兵本年應給月餉想該省亦已措辦給發矣
合無自四年爲始聽撫臣於遼餉內動支銀二
萬兩撥兵酌給無致枵腹如有不敷自行設處
仍候東省援兵撤防之日再行選練之法通融

撥補漸爲銷釋只如裁定原額而止前項餉銀
仍歸臣部不得執爲常額徒滋糜費撫臣憂
國急公必能加之意耳既經具題前來相應覆
請恭候 命下臣部移文兵部該撫遵奉施行

崇禎三年十二月二十三日具

題本月二十六日奉

聖旨德州新兵自四年爲始動支遼餉二萬兩併設
處酌給俟撤援之日漸次撥充缺伍不得濫額糜
餉該部知道本內釋字錯寫鐸字改正行欽此

覆薊撫借給川兵月餉疏

題爲川兵冬餉無措懇乞

聖明勅部借發以廣

皇仁以濟燃眉事專理新餉山東清吏司案呈崇禎
三年十二月十六日奉本部送戶科抄出順天
巡撫劉可訓題前事等因本年十二月十五日
奉

聖旨川兵冬餉該部酌量借給仍嚴催川餉到日照
數抵還欽此欽遵抄出到部送司相應題覆案呈

到部該臣等看得川兵萬里入援荷戈終歲
行糧之供億者俱於薊鎮餉司支領臣部未
後時也至於月糧該省以途遠愆期借支臣部
言念征人何敢過爲分別是以前月發銀一萬
五千兩作八九月之餉今又以歲聿云暮此餉
堪憐撫臣又借冬月之餉矣我

皇上洞見臣部窮迫之苦酌令量發臣竊自揣正餉
尚缺不勝瓶罍之憂寧復有餘以應額外之求
乎所幸入

覲州縣叱馭而來外解漸至今議再發銀一萬五千
兩約可給餉兩月以爲川兵卒歲之需餘俟外
解克裕再行如數給發可也除見在劄庫差委
官陳國相押解外理合具本題

知

崇禎三年十二月二十日具

題本月二十四日奉

聖旨知道了欽此

覆遼撫免減前鋒兵丁原糧疏

題爲乞憐苦役懇恩轉

請免減原糧以圖後效事專理新餉山東清吏司案
呈崇禎三年十一月初八日奉本部送戶科抄
出遼東巡撫丘禾嘉題前事等因本年十一月
初六日奉

聖旨這前鋒三營兵丁請免減原糧事情著該部確
酌具覆欽此欽遵抄出到部送司遵依酌覆聞又
奉本部送准兵部咨同前事內稱查得前鋒馬

步兵丁據稱偵哨艱辛請復原餉遠撫代爲
籲似應從其請但錢糧事屬戶部相應咨會
妥聽自回

奏爲此合咨貴部煩爲查照來文事理卽將前鋒
丁健請復原糧事宜從長酌確姑准免減徑速
具奏等因到部送司相應酌覆案呈到部該臣
等看得騎兵有衝鋒奔逐之苦其食糧原厚若
無馬則猶然步卒耳較有馬者勞逸不無少間
此臣部所以題將缺馬兵丁月減損二錢以供

買馬之用不過追尋當日立法之初意且亦酌
盈濟虛之道宜爾也業奉

欽依通行自當畫一遵守豈容輒有異同以啟倣尤
之端哉惟是關外前鋒三營處極險首衝之地
供近偵遠探之差有馬固受載馳載驅之勞缺
馬更效亦趨亦步之役無惑乎于喇牛等有免
減原糧之哀籲而撫道爲之代陳於

皇上之前以希

殊恩者也合無軫念前鋒效命艱苦獨深出關有年

宣力最久姑將于喇牛等缺馬兵丁准其俸
原糧免其二錢之扣以示格外之仁而他營
得比例焉應否出自

聖恩非臣等所敢擅專者也既經遼撫具題前來相
應覆

請恭候

命下臣部移文遼撫遵奉施行

崇禎三年十二月二十二日具

題本月二十五日奉

聖旨關外前鋒三營兵丁既稱偵哨最勞准免減原糧以示優恤他營不得援例該衙門知道欽此

題覆永鎮召買事宜疏

題爲永鎮需餉甚繁殘城措餉甚苦謹遵清核屢
旨敬陳緊要五條仰祈

聖明鑒擇並加申飭事專理新舊兩餉司案呈崇禎
三年十二月十五日奉本部送該本部題覆前
事等因本年十二月十三日奉

聖旨這五款既經酌議印信卽與鑄給餘俱着實飭
行內召買一款據稱勿以文移曠日致失時價倍
如何不遵旨速覆該部會否先發銀劄買還明

奏來該衙門知道欽此又據永平餉司郎中
神揭爲軍需本色無限餉司那買已窮懇乞
數派買立題發價以慰兵心毋悞戰守事內
該鎮主兵軍馬來歲正月分例支本色米一萬
六千五百一十石本色豆二千九百四十石三
斗本色草九萬八千一十束二月三月分共例
該本色豆五千八百八十石六斗四月分例支
本色米又一萬六千五百一十石通計至兵需
米三萬三千二十石豆八千八百二十石九斗

草九萬八千一十束今州縣民屯盡蠲營路倉
場一掃職止催得土商引草六萬二千五百束
在場耳米豆固無顆粒也職當何恃以無恐遂
鎮駐防兵馬每月支行糧米四千五百五十七
石一斗五升豆八千七百二十七石草一十七
萬六千五百八十束職以九月十八日任事實
在九月終止漕米一萬八千五十一石九斗一
升五合計冬三箇月該米壹萬三千六百七十
一石四斗五升止可餘米四千三百八十石四

斗六升五合可供來歲正月支用然能備
正月遼兵撤防否實在九月終止漕豆止八
四石八斗一升計冬三箇月該支豆二萬六
一百八十一石除漕豆外尚缺二萬五千三
七十六石一斗九升若草則任事以來從無
管一束止央浼防兵告求改折近來寒極草
議定以十二月分支本色起矣職又何恃以
恐計職奉本部劄付那借該鎮舊兵月餉發
召買米價銀一萬四百四十二兩二錢二分

價銀一萬五百九十七兩八錢草價銀六千二百

百兩照時估計每米一石價銀一兩止該買米

一萬四百四十二石零每豆一石價銀六錢止

該買豆一萬七千六百六十三石每束草價銀

三分止該買草二十萬三千三百三十束然那

買止得此數當以幾備主兵當以幾供駐防况

那價之補還無日月餉之壓欠漸加職復何恃

以無恐職不敢忌諱妄謂來年正月至四月正

兵需米三萬三千二十石該請發召買價三萬

三千二十兩豆八千八百二十石九斗該
召買價五千二百九十二兩五錢四分草九
八千一十束除引草抵支外尚該草三萬五千
五百一十束該請發召買價一千六十五兩三
錢駐防兵馬如其撤也可以免議若猶未也米
豆當照月支數爲率備至來年四月終以候
運需米一萬八千二百二十八石六斗需豆六
萬二百八十四石二斗草束亦照月支數當
今年十二月起備至來年四月終止以候放

需草八十八萬二千九百束除漕運并召買撥
支外尚該備米三千四百六石一斗四升該請
價銀三千四百六兩一錢四分尚該備豆四萬
二千六百二十一石二斗該請價銀二萬五千
五百七十二兩七錢二分尚該備草六十七萬
九千五百七十束該請價銀二萬三百八十七
兩一錢通計主餉并駐防兵馬至來年四月終
止缺本色米三萬六千四百二十六石一斗四
升本色豆五萬一千四百四十二石一斗四

草七十一萬五千八十束通共請發石粟銀
八萬八千七百四十三兩八錢等因到部據
案呈到部該臣等看得永鎮主客官軍并駐
兵丁所需月餉鹽菜爲數甚夥以折色言之在
新舊二餉已發至十一月按月查給以期接濟
無容再計矣以本色言之主客官兵向取給所
屬民運屯糧今以殘破之故錢糧蠲免悉欲待
哺於臣部矣至於駐防兵馬除臣部發米二萬
石截關外且二萬六千八百石草價隨時折

而又念撤防尚未有期也是以前於諸鎮索餉
日夥疏內令撫寧昌黎樂亭三縣照預計例共
買米一萬石豆三萬石責成該道及時派買又
於預買草束疏議令盧龍樂亭二縣買草五十
五萬束嗣因外解不繼正餉不敷新餉未能措
發隨卽劄行該餉司先那發舊兵月餉銀二萬
七千一百四十兩二分趁此秋成召買米豆甚
束仍聽續發新餉以廣積貯蓋預爲冬春接濟
之計耳其條議未卽覆者正以見在設法召買

并令查報應買數目及時估平價以便續買
覆也今據永平餉司刁化神所請又以今歲
計至明歲四月之需則目前歲裏之本色防
或可無匱乏之虞矣據稱通計主客軍馬并
防兵馬備至四月終止共該本色米三萬六千
四百二十六石一斗四升五萬一千四百四
十二石一斗本色草七十一萬五千八十束
該發召買價銀八萬八千七百四十三兩八錢
夫有其備者易其慮寧使有餘無使不足自

餉司綢繆至計臣部卽處襟肘金露新舊交訕之際不得不曲爲措辦今於本月十五日已劄新庫發新餉銀二萬兩以爲該鎮召買豆草之價又舊兵額數視虜倣以前已大有減損則年例之有餘者自可充召買之需而月餉不必補也明歲新春其年例餉銀仍當先期給發而壓欠可無慮也其本色米合無再於春月截漕糧粟米三萬石運貯永平以備主客官軍援兵之用其餘不敷或半本半折以通其窮或於四月

改折一月每斗照例折銀八分以補其匱
宜酌濟之一道也如再不足則闕寧米豆仍照
今歲之例通融改撥損有餘以補不足未爲不
可蓋均此兵也永不足則闕有餘務期曲爲接
濟不使士馬有枵腹懸槽之虞是在內外同心
相機應變耳恭候

命下臣部行文該餉司遵奉施行

崇禎三年十二月二十六日具

題本月二十八日奉

聖旨召買原須及時該部不速行覆給刁化神僅那
借舊兵月餉銀兩如何以見在設法召買并查報
數目爲辭又稱舊兵額數大有減損便應確查所
減若干扣除年例其借用月餉仍行補還方便銷
算如何含糊臆揣漫云年例有餘可充召買該司
官還着明白奏來不得牽抵支飾其截漕糧併本
折權宜開寧通融等項知道了欽此

覆南臺吳御史條議查核衛糧疏

題爲

祖宗經費原充小民窮困已極謹因

聖明軫恤之仁敬效芻蕘集思之惓事專理新餉山東清吏司案呈崇禎三年十二月初四日奉本部送戶科抄出南京廣東道監察御史吳善謹奏前事等因本年十二月初一日奉

聖旨民瘼當恤加派原非朕意但軍興費廣籌餉殊艱這奏查核衛糧便得數百萬是否確實可行着

該部酌議具覆催民運濟屯糧已有屢旨了當
曾字錯寫會字改正行欽此欽遵抄出到部送司
相應議覆案呈到部該臣等看得我

朝設兵措餉經費原自裕如迺創之厥初而有餘延
之今日而不足非盡濫觴所致亦繇時異勢殊
真有不得不然者粵自東事以來遼餉無措議
及加派加派不足增至九釐臣等每念民困堪
憐恨不能減此朝食以與天下共遊輕徭薄賦
之域也不意去冬虜騎直薄

都城以致徵調徧宇內召募增數萬額外之需日
奢一日黠金無術脫巾可虞臣部再議量加三
釐暫救目前之危迫誠有萬不得已者耳南臺
臣吳善謙所言窮簷饑寒部屋困苦真是籌

國熱腸憂時卓識而臣亦非敢置蒼赤於度外也
皇上所云軍興費廣籌餉殊艱者蓋已洞見萬里之
外矣惟是條議查核衛糧一事亦極有見夫衛
所之虛冒至今日極矣祖軍相沿近三百年或
有名無人或有人非真或蔓延濫支於餘丁或

老弱不堪於備禦無論邊腹儘可查扣而無妨
時事之多艱也奉行之不力也以邊方言薊
旣苦於殘破秦晉又困於凶荒卽合計民屯之
額雖若有餘而細核輸納之數仍憂不足則邊
方難矣以腹裏言衛所屯田近已有雜項新餉
又如科臣汪始亨屯田起科之疏指揮楚邦禎
民屯充餉之議俱見在清核止山東得銀四萬
餘兩河南得銀一萬餘兩而其他省直尚多未
應矣倘令合邊腹而清戎悉鎔銖以裕

國其於軍興理餉之事豈曰小補之哉是在督撫
按臣加之意耳既經具奏前來相應覆

請恭候

命下臣部移文各該衙門遵奉施行

崇禎三年十二月二十八日具

題崇禎四年正月初五日奉

聖旨屯糧未經開報的卽嚴催該撫按官查明具奏
欽此

覆薊遼督撫議措班軍月餉疏

題爲懇煩循例轉詳題

請班軍修築杏城以固戰守事專理新餉山東清吏
司案呈崇禎三年十二月十七日奉本部送戶
科抄出薊遼總督張鳳翼題前事等因本年十
二月十五日奉

聖旨這奏修築杏城撥軍措餉等事著戶兵二部速
議具奏欽此又該撫臣丘禾嘉關臣張學周各會
題前事十二月十六日俱奉

聖旨已有旨了該部知道欽此欽遵通抄到部送司
相應議覆案呈到部除撥派班軍事宜移咨該
部聽其議覆外該臣等看得嚴疆塞垣之間
防窺伺當固藩籬此修築之舉在平時且不可
廢矧值虜情叵測之秋可念前車旣覆之鑒哉
督撫關臣會議修築杏城以壯金湯誠目前綢
繆至計顧興工必須班軍而班軍必須措餉我
皇上睠焉東顧筭出萬全責臣部與兵部速議具奏
臣等爲封疆計敢不爲班軍措餉計哉查關塞

修工班軍每月給銀七錢五分米四斗五升原有舊例所當照常支給徐俟春月興工臣部照例發銀無容後時者也至於海運漕米查津門預計三年分派修築米四萬石尚未報有開銷昨預計四年分又派修築米四萬五千石卽於此項米內聽其臨期支給冊報銷筭可無不繼之虞矣第當民窮財盡之秋一銖一粒悉屬閭閻膏血務要計人給散無許影射冒支諒督撫諸臣體

國忠肝持籌妙算自能設法稽查多方鼓舞使
收子來之效而餉無虛糜之患也既經督撫
臣會題前來相應覆 請恭候

命下臣部移文各該衙門遵奉施行

崇禎三年十二月二十九日具

題崇禎四年正月初四日奉

聖旨這修築杏城班軍月餉著興工日照例給發其
海運漕米於津門所派修築米數內支給俱依議
欽此

覆查核戶科叅奸解掛欠疏

題爲錢糧緊關急用解官解役恣意侵牟謹據實
直叅以追脫漏以警玩忽事崇禎三年十二月
十二日奉本部送戶科抄出專管查覈餉務戶
科給事中許世薰題前事等因本年十二月初
十日奉

聖旨錢糧解納劄庫卽宜明收短少卽宜追補豈有
封貯經年掛欠千金聽其私逃擅回之理顯是奸
解猾胥通同作弊該司容徇先後互蒙深可痛恨

奏內趙魁光曾克慎着該部速行山東浙江撫按
嚴挈追比勒限究解併梅士程帶補是否止有數
數該司府縣僉解不擇已解不查是何情繇係何
職名一一詳明具奏其經管司官承行吏役該部
卽嚴核議處來說欽此欽遵抄出到部該臣一面
劄該庫行查一面咨行浙江山東布政司查催
去後隨據新餉銀庫主事陳觀陽呈稱外解錢
糧交納未完則職庫不出實收部院不准銷號
掣批不容回籍如拖欠私回者職庫具呈本部

移會餉院餉司行文地方追比此從來舊例也
况庫中嚴禁包攬不設保欺追比無權相沿久
矣案查崇禎二年十二月初五日職到任以後
嘔心而奉

功今任內經管錢糧未嘗掛欠分毫所有曾克慎
趙魁光二項掛欠係職未任以前之事呈移具
有始末可覆案也如天啓七年浙江寧海縣縣
丞曾克慎掛欠銀一千一百六十六兩乃前任
郎中王楫任內經管崇禎二年二月內本部已

經題叅奉有

欽依着撫按追解今三年七月初六日本省杭州府

衛經歷梅士程帶解曾克慎掛欠銀止交二百

六十兩職見掛欠數多補解數少恐添葛藤未

便開銷士程稟稱隨後補解因暫令兌明寄庫

勒限全完方准登收不料士程私自回任隨於

九十一等月初十等日具爲掛欠銀兩事呈堂

批司行催又於十一月十三日具爲寄庫銀兩

等事移會督餉沈御史提催職於梅士程蓋毫

未有容徇矣又如崇禎三年十月間山東商河縣差役趙魁光寄庫未收銀係原任今故主事王國祚經管職於本年十二月初十日具爲申明交代銀兩等事呈堂批司行山東撫按嚴拏去後又於三年四九十等月十五等日具爲餉銀不便久貯等事三次移會督餉沈御史提催院卷可証又十月十一月呈奉堂批山東司主事劉寰公同驗收趙魁光銀并收梅士程貯庫銀俱登報

御覽各前二項隨又於十一月十三日移會督嚴戶
科許給事中其具題糾叅卽據該職之移文也

今蒙本部奉

旨下查切思掛欠原屬相承呈移匝於一歲底案歷
歷具在職罪難免職情尚可原也及查經承吏
役郝華春傳可濟等俱先役滿出庫見在吏役
秦繼臯其承行該職任內除兩項遵收外別無
掛欠分毫且鎮日局閉庫中不與領解員役交
接伏乞台臺詳酌具覆等情又據浙江布政司

使董承詔咨呈曾克慎前銀已完交付梅士程
帶解延久未獲批銷屢經行追在案第士程私
回未久緣本司啓行入

覲之時提究未到今仰惕

明旨設處那奏代完前銀以結前局仍請部檄移行
撫按嚴提追補等因又據山東左布政使陳應
元咨呈內開趙魁光銀兩係商河縣知縣蔣行
健批差起解司府據以轉文不意本役延久未
交且掛欠銀四百三兩三分屢行該縣嚴催尚

未補解恐違嚴限今據該府申稱令商河縣主簿梁起鳳於本月二十五日如數交納等因俱各到部除劄新餉庫照數查收外該臣等看得錢糧雖間經管而掛欠必核原情如聽其短少不行知會提叅則司官無所逃於容徇之罪若奸狡百出侵匿脫逃此其罪在領解員役雖僉解者且無從預料其不終而何論於臣部之司官也如浙江解銀曾克慎既欠於前業經臣部之題叅奉有

明綸着撫按追解而梅士程仍欠於後復厯科臣之
入

告而再奉

嚴旨必待藩司今日之補解而始完則梅士程除追
補外其罪仍不在曾克慎之下者也又如山東
商河縣解役趙魁光何物奸徒預侵原解米折
銀兩輒假寄庫朦朧脫逃臣部與督餉御史屢
據司呈移會提催至今尚屬漏網雖臣已責令
司府那解而魁光之罪自不容誅矣至於從前

僉解不得其人查比經年未結似當有任事者但據該藩司申文拖欠各有原委承追亦非一人在梅士程尚未回任無憑追比在趙魁光原繇該縣差解及提追亦該縣遲延則知縣蔣行健無所辭罪者也今司府各官入

覲在京一奉

明旨俱切震駭各照數補解曾不逾旬日之內其情亦可原矣而管庫司官向來遵臣約束禁革包攬未有保歇其於外解員役從無追比之權正

有呈移之責前任郎中王楫雖曾克慎掛欠係
其經手然已具呈臣部旣經題叅法難苛論前
任今故主事王國祚雖趙魁光任內脫逃而本
官旣經物故罰無可施見任主事陳觀陽於前
兩案具呈臣部者五次移會餉院者四次卽今
科臣之糾叅亦據本官移會之原文也矧查軍
興以來支放頗極清楚任內錢糧別無掛欠止
此二項求爲前官結局實無容徇情弊臣不敢
謬爲曲護也至於前後經管吏役郝華春秦繼

臯等或役滿出庫在先或承行原無掛漏似應
深求再照錢糧叅罰成規未完者住俸督催完
者照例開復今二項已完則司府各官均應免
議而臣部司官或亦可並邀

皇上法外之仁者也獨是解官解役錢糧到手侵牟
滋弊非加重懲何以儆後如趙魁光律以監守
自盜卽百喙無詞曾克慎梅士程有覲衣冠誣
不自愛或解銀數多不無運腳添賠之累窮而
思遁亦未可與魁光同科然皆各有應得罪名

法難輕貸者也至於商河縣知縣蔣行健差解
不當提追久稽相應罰俸一年以垂鑒戒伏惟
聖明裁察施行

崇禎三年十二月二十九日具

題崇禎四年正月初五日奉

聖旨這趙魁光曾克慎掛欠銀兩雖藩司照數措補
然猾解若不重懲何以警後曾克慎梅士程着革
了職併趙魁光行該撫按嚴提追比擬罪具奏蔣
行健罰俸一年王楫陳觀陽據稱曾具呈移會正

國祚已經物故姑免究郝華春等經承隱縱
以役滿出庫未減還着查明懲處該衙門知道欽
此